



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XII. Markgraf Johann verspricht, das Kloster Dambeck bei der ihm gerichtlich zuerkannten Mühle zu Gravenstedt zu schützen, am 26. März 1485.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XII. Markgraf Johann verspricht, das Kloster Dambek bei der ihm gerichtlich zuerkannten Mühle zu Gravenstedt zu schützen, am 26. März 1485.

Wir Johans etc. Bekennen vnd thun offentlich mit diesem vnserem Briue vor Alleniglich, Als vnser Rete In der sachen zwuschen dem Brobst, Ebtischin vnd gantzem Conuent des Junckfrawclosters zu dambke an einem vnd fridrich von Wustrow, dem Eltern, am anderen deyle die mollen zu Grauenstede antreffen, nach gnughastigem furbringen vnd verhorung beider party zu recht erkant Haben, Inmalzen wu hirnach volgt, so die Ebtischin vnd die Eldesten Junckfrawen des Conuents vnd Closters, obgnant, mit iren eyden behalten vnd sweren, das sie den vermeinten Boffen von der Schulemborch seligen spruch der molle halben nicht gewilligt noch geuolbort haben, so bleiben sie vnd ir Closter billick vnd von rechts wegen do bey der gnanten molle In Grauenstede nach Inhalt irer kauf vnd eigenthums briuen, In dar vber geben. Wv sie aber dem also nicht nachkommen, sol den nach In der sache geschehen, so vil vnd recht sein wirdet desselben vrteils vnd recht spruchs. Datum steet zu Tangermunde, am Midwochen nach dem Sontag Judica Im eyn vnd achtzigsten Jare der mynnern Zall, vnter vnserem Insigel versigelt, darauff die gnanten Brobste, Ebtischin vnd die Ebdesten Junckfrowenn des gnanten Closters Dambke vor dem wirdygen, Ernn Lampertus Listen, Wonhafftig zu Salczwedel, Commissarius des Erwerdigen In got vnser besondern frundes, Herrn Bartolden, Bischeouen zu Verdenn, solcher vrteil volge geben vnd das mit irem eyde bestetigen In gegenwertigkeit beider parteien vnd ander vnser vndertanen In seinem Briue bemeldt vnder des gnanten Commissarius Amachts Insigel versigelt, des Datum heldt Am Midwochen nach dem Sontag Jubilate Im LXXXI. Jare, das wir solch obengeschriben vrteil vnd rechtspruck dar vber aufgangen, confirmirt vnd bestetiget haben, Confirmiren vnd bestetigen den Hirmit In craft vnd macht dits briues, wir vnd vnser Erben wollen auch die gnanten Brobst, Ebtischin vnd Conuent zu Dambke vnd ir nachkomen des gnanten Closters Dambke bey solchen vrteil vnd rechtspruch behalten, hanthaben, schutzen vnd schirmen vor meniglich vngehindert. Czu urkund etc. Geben zu Arnburg, Am palm abend Im LXXXVten Jare.

R^{tor}. Erasmus Bramburg, probst zum Berlin.

Nach dem Schurmärk. Lehnscopialbuche XXVI, 209.

XIII. Das Kloster Dambek quittirt den Rath der Altstadt Salzwedel wegen der Urbede, am 11. Dezember 1485.

Ludolphus Verdemann, Vorstender, Vor Ilse van dem knefsbeke, Ebbedische, vnd de ganze Conuent des Closters to Dambke, wy bekennen vor allifweme, Alse de Hochgeborne furste, vnse gnedige Here, ffrederick de Junger, Marggreue to Brandenborgh, zeliger dechnisse, vns veervndetwintich marck suluers Stendalsch vnd twe lubsche marck Soltwe-